

河南府志卷之九十六

藝文志二十

詩一 歌辭 附樂府

上古

錄圖文

河圖提輔佐黃帝游於河洛至澤鴻之泉有大鱣魚負圖以授帝蘭葉朱文名曰錄圖○一作

緣圖

澤鴻鳴嘯勢雉雉與物俱化

陶唐

雉璧書

尚書中侯帝堯率羣臣東疏于雉刻璧書

天子臣放勳德薄施行不元

元善也

箕山歌

古今樂錄曰許由者古之貞固之士也堯時爲布衣以清節約聞於堯堯乃遣使禪爲天子由

喟然嘆曰匹夫結志固如磐石採山飲河所以養性非以貪天下也堯既殂落乃作箕山之歌曰

登彼箕山兮瞻望天下

古音虎

山川麗崎萬物還普日月運照

靡不記睹游放其間何所却慮

叶

嘆彼唐堯獨自愁苦勞心

九州憂勤后土謂予欽明傳禪易祖我樂何如蓋不盼顧河

水流兮緣高山

叶

甘瓜施兮葉綿蠻

叶

高林肅兮相錯連居

此之處傲堯君

叶

夏

五子歌五章

夏書太康尸位以逸豫滅厥德黎民咸載乃盤游無度畋于有洛之表有窮后羿因

民弗忍距于河厥弟五人御其母以從後于洛之汭五子咸怨述大禹之戒以作歌

皇祖有訓民可近不可下民惟邦本本固邦寧予視天下愚夫愚婦一能勝予一人三失怨豈在明不見是圖予臨兆民懷乎若朽索之馭六馬爲人上者柰何不敬

訓有之內作色荒外作禽荒甘酒嗜音峻宇雕牆有一于此未或不亡

惟彼陶唐有此冀方今失厥道

左傳作行

亂其紀綱乃底滅亡明

明我祖萬邦之君有典有則貽厥子孫

叶

關石和鈞王府則

有荒墜厥緒覆宗絕祀

叶養里反

嗚呼曷歸予懷之悲萬姓仇予予將疇依鬱陶乎予心顏厚

有忸怩弗慎厥德雖悔可追

商

桑林禱辭

荀子大畧篇湯之時大旱七年剪髮斷爪以身爲犧牲禱于桑林之野以六事自責曰何

不雨至此極也言未已大雨

政不節與使民疾與宮室崇與婦謁盛與苞苴行與讒夫興

與

節叶卽盛叶廣祝山川穀之祝曰

採薇歌

更記武王已平殷亂天下宗周而伯夷叔齊耻之義不食周粟隱於首陽山採薇而食之及餓

且死作歌其辭曰

采西山兮採其薇矣以暴易暴兮不知其非矣神農虞夏

桀纣殺兮我適安歸矣吁嗟徂兮命之衰矣

眉

神鳳操

竹書成王十八年春正月王如洛邑定鼎鳳皇見古今樂錄成王時鳳凰翔舞成王作此歌于

海作儀

鳳歌

鳳凰翔兮於

玉海云一作舞

紫庭予何德兮以感靈賴先人兮恩澤

臻于胥樂兮民以寧

初學記引此宋符瑞記亦載此臻作臻

秦

祠洛水歌

一作秦始皇歌古今樂錄秦始皇祠洛水與羣臣作歌

洛陽之水其色蒼蒼祠祭大澤倏忽南臨

一作征征古轉入湯洛濱醴

禱色連三光

漢

五噫歌

後漢書梁鴻東出關過京師作五噫之歌肅宗聞而悲之求鴻不得

陟彼北芒兮噫顧瞻

一作覽

帝京兮噫宮闕崔巍兮噫民之劬

勞兮噫遠遼未央兮噫

郊祀靈芝歌

漢書班固頌漢論功歌詩靈芝歌曰

因露寢兮產靈芝之象三德兮瑞應

一作應瑞

圖延壽命兮光此都

配上帝兮象太微參日月兮揚光輝

招商歌

拾遺記靈帝初平三年遊於西園乘船遊漾選玉色宮人執篙楫奏招商之曲以索涼風互見

古歌曰

風起兮日照渠青荷晝偃葉夜舒惟日不足樂有餘清絲

流管歌玉鳧

曲名

千年萬歲嘉難踰

董嬌嬌

古今樂錄

宋子侯

洛陽城東路桃李生路傍花花自相對葉葉自相當春風東
北起花葉正低昂不知誰家子提籠行採桑纖手折其枝花
落何飄颺請謝彼姝子何爲見損傷高秋八九月白露變爲
霜終年會飄墮安得久馨香秋時自零落春月復芬芳何時
盛年去懽愛藝文作好永相忘吾欲竟此曲此曲愁人腸歸來酌
美酒挾瑟上高堂

鴈門太守行

古今樂錄王僧虔技錄云鴈門太守行歌古洛陽令一篇

孝和帝在時洛陽令王君本自益州廣漢蜀民少行宦學通
五經論一解明憲令歷世衣冠從溫補洛陽令治行致賢擁
護百姓子養萬民二解外行猛政內懷慈仁文武備具料民富

貧移惡子姓

宋書有各五二字

篇著里端

三解

傷殺人比伍同罪對門

禁鑿矛八尺捕輕薄少年加笞決罪詣馬市論

四解

無妄發賦

念在理冤赦吏正獄不得苛煩財用錢三十買繩禮

一作竿理

五解賢哉賢哉我縣王君臣吏衣冠奉事皇帝功曹主簿皆得

其人

六解

臨部居職不敢行恩清身苦體夙夜勞動治有能名

遠近所聞

七解

天年不遂早就奄昏爲君作祠安陽亭西欲令

後世莫不稱傳

八解

魏

煌煌京洛行

文帝

天天園桃無子空長虛美難假偏輪不行

淮陰五刑鳥盡弓藏保身全名獨有子房大憤不收褒衣無帶多言寡誠祇令事敗

蘇秦之說六國以亡傾側賣主車裂固當賢矣陳軫忠而有謀楚懷不從禍卒不救

禍夫吳起智小謀大西河何健伏尸何劣

嗟彼郭生古之雅人智矣燕昭可謂得臣哉
我仲連齊之高士北辭千金東蹈滄海

文帝集

名都篇

歌錄名都美女白馬並齊瑟行也皆以首句名篇

曹植

名都多妖女京洛出少年寶劍直千金被服麗且鮮
鬪雞東郊道走馬長楸間馳騁未能半雙龍過我前
攬弓捷鳴鏑長

驅上南山左挽因右發一縱兩禽連餘巧未及展仰手接飛
鳶觀者咸稱善衆工歸我妍歸來宴平樂美酒斗十千膾鯉
鰓胎鰕炮鼈炙熊蹯鳴儔嘯匹侶列坐竟長筵連翩擊鞠壤
巧捷惟萬端白日西南馳光景不可攀雲霓還城邑清晨復

來還

子建集

晉

長安有狹邪行

陸機

伊洛有岐路岐路交朱輪輕蓋承華景騰步躡飛塵鳴玉豈
樸儒憑軾皆俊民烈心厲勁秋麗服鮮芳春余本倦游客豪
彥多舊親傾蓋承芳訛欲鳴當及晨守一不足矜岐路良可

遵規行無曠迹矩步豈逮人投足緒已爾四時不必循將遂殊途軌要子同歸津

宋

丁督護歌

樂府作
王金珠孝武帝

洛陽數千里孟津流無極辛苦戎馬間別易會難得黃河流無極洛陽數千里坎軻戎旅間何由見歡子

代陳思王京洛篇

玉臺作煌煌京洛行

鮑照

鳳樓十二重四戶八綺窓繡桷金蓮花桂柱玉盤龍珠簾無隔露羅幌不勝風寶帳三千所爲爾一朝客揚芬紫煙上垂綵綠雲中春吹回白日霜歌落塞鴻但懼秋塵起盛愛逐衰

蓬坐視青苔滿臥對錦筵空琴瑟縱橫散舞衣不復縫古來
共歇薄君意豈獨濃唯見雙黃鵠千里一相從

齊

金谷聚

謝朓

渠梳送佳人玉杯邀上客車馬一東西別後思今夕

梁

金洛篇

樂府作煌煌京洛行列鮑照後
逸作者之名或以爲鮑詩非也

簡文帝

南遊偃師縣斜上灞陵東回瞻龍首堞遙望德陽宮重門遠
照耀天閣復穹窿城傍疑複道樹裏識松風黃河八洛水丹
泉繞射熊夜輪懸素魄朝光蕩碧空秋霜曉驅鴈春雨暮成

虹曲陽造甲第高安還禁中劉蒼歸作相寶憲出臨戎此時
車馬合茲晨冠蓋通誰知兩京盛歡宴遂無窮

洛陽道

簡文帝

洛陽佳麗所大道滿春光遊童初挾彈蠶妾始提筐金鞍照
龍馬羅袂拂春桑玉車爭晚入潘果溢高箱

洛陽道

元帝

洛陽開大道城北達城西青槐隨幔拂綠柳逐風低玉珂鳴
戰馬金爪鬬塲鷄桑萎日行暮多逢秦氏妻

洛陽道

沈約

洛陽大道中佳麗實無比燕裙傍日開趙帶隨風靡領上蒲

江南府志
卷之六
菊繡腰中合歡綺佳人殊未來薄暮空徙倚

陳

煌煌京洛行

張正見

千門儼西漢萬戶擅東京
凌雲霞上起鵲鶴月中生
風塵暮不息簫笳夜恒鳴
唯當賣藥處不入長安城

北魏

王子喬

高允

王少卿王少卿起升飛龍翔天庭
遺儀景雲漢酬光鰲電炭
忽若浮騎日月從列星跨騰八廓
踰杳冥尋元氣出天門窺
覽有無究道根

河南府志卷之九十七

藝文志二十一

詩二 謡諺

漢

郭氏諺

後漢書拾遺記郭況閣下懸明珠
畫視如星夜視如月里中語曰

洛陽多財郭氏室夜日畫星富無匹

董宣歌

後漢書董宣字少平光武時爲
洛陽令京師號爲卧虎歌之云

枹鼓不鳴董少平

鮑司隸歌

列異傳鮑宣字子都宣子永永子昱三
世皆爲司隸而乘一驄馬京師人歌之

鮑氏驄三人司隸再入公馬雖瘦行步工

洛陽令歌

長沙耆舊傳祝良字石卿爲洛陽令歲旱天子祈雨不得良乃暴身階庭告誠引罪甘雨

登降人爲之歌

天久不雨烝人失所天王白出祝令特苦精符感應滂沱下

雨

城中謠

後漢書馬后履行節儉馬廖慮以美業難終上疏長樂宮以勸成德政引長安語云云謂斯言

如戲有切事實

城中好高髻四方高一尺城中好廣眉四方且半額城中好

大袖四方全匹帛

順帝末京都童謠

謂梁冀專國幾李固于獄而胡廣等封侯也互見祥異

直如弦死道邊曲如鉤反封侯

京都謠

後漢書黃琬傳舊制光祿三四省郎以高功九

才德尤異者爲茂才異行時權富子弟以人

事得舉而貧約守志者以窮迫見遺京師爲之謠曰

欲得不能光祿茂才

能乃來切

五門

三輔決錄五門在河南西四十里澗穀洛三水之交傳聞馬氏兄弟五人共居此地作五門客舍因

以爲名主養猪賣豚民爲之語曰

苑中三公館下二卿五門嚶嚶但聞豚聲

桓帝初京

都童謠見祥異註

游平賣印自有平不辟豪賢及大姓

小麥童謠

小麥青青大麥枯誰當穫者婦與姑丈夫何在西擊胡吏買